



01

Broj: 03-02-6291- 2/2023  
Bihać, 12.06.2023. godine

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
SKUPŠTINA UNSKO-SANSKOG KANTONA

|   |  |              |  |
|---|--|--------------|--|
| BOSNA I HERCEGOVINA<br>FEDERACIJA BOSNE I HERCEGOVINE<br>UNSKO-SANSKI KANTON<br>SKUPŠTINA UNSKO-SANSKOG KANTONA |  |              |  |
| BROJ: 03-02-6291-2/2023   |  |              |  |
| Dana: 12.06.2023.   |  | Broj priloga |  |
| 01/2-02-19-371/2023   |  | 12/15        |  |

SKUPŠTINA UNSKO-SANSKOG KANTONA

**PREDMET:** Prijedlog Odluke o razrješenju predsjedavajućeg Komisije za koncesije Unsko-sanskog kantona s prijedlogom Odluke o imenovanju vršioca dužnosti predsjedavajućeg Komisije za koncesije Unsko-sanskog kantona, dostavlja se

Na osnovu člana 95. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), a u vezi s članom 9. Zakona o koncesijama („Službeni glasnik Unsko-sanskog kantona“, broj: 10/03, 7/09, 19/13 i 9/17), u prilogu akta dostavljamo vam Prijedlog Odluke o razrješenju predsjedavajućeg Komisije za koncesije Unsko-sanskog kantona s prijedlogom Odluke o imenovanju vršioca dužnosti predsjedavajućeg Komisije za koncesije Unsko-sanskog kantona, uz sljedeće :

#### O b r a z l o ž e n j e

Vlada Unsko-sanskog kantona je na svojoj 27. sjednici održanoj dana 12.06.2023. godine razmatrala prijedlog Zaključka o utvrđivanju Odluke o razrješenju predsjedavajućeg Komisije za koncesije Unsko-sanskog kantona, te shodno tome donijela Zaključak broj: 03-02-2190-371/2023.

Na istoj sjednici donesen je i Zaključak broj: 03-02-2190-372/2023, s kojim je utvrđen prijedlog Odluke o imenovanju vršioca dužnosti predsjedavajućeg Komisije za koncesije Unsko-sanskog kantona s prijedlogom kandidata.

Kako je članom 9. Zakona o koncesijama propisano da predsjedavajućeg Komisije za koncesije imenuje Skupština Unsko-sanskog kantona na prijedlog Vlade Unsko-sanskog kantona u prilogu akta dostavljamo vam pomenute odluke na razmatranje i odlučivanje.

S poštovanjem,

Prilog:

- Prijedlog Odluke o razrješenju predsjedavajućeg Komisije za koncesije Unsko-sanskog kantona
- Prijedlog Odluke o imenovanju vršioca dužnosti predsjedavajućeg Komisije za koncesije Unsko-sanskog kantona
- Zaključci Vlade Unsko-sanskog kantona broj: 03-02-2190-371/2023 i 03-02-2190-372/2023 od 27.06.2023. godine

Dostavljeno:

1. Naslovu
2. a/a





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), Vlada Unsko-sanskog kantona na 27. sjednici održanoj dana 12.06.2023. godine, donosi

## ZAKLJUČAK

o utvrđivanju Odluke o razrješenju predsjedavajućeg Komisije za koncesije  
Unsko-sanskog kantona

### I

Utvrđuje se Prijedlog Odluke o razrješenju predsjedavajućeg Komisije za koncesije Unsko-sanskog kantona, Medić Ilfada, prije isteka mandata.


### II

Predlaže se Skupštini Unsko-sanskog kantona da donese Odluku o razrješenju Medić Ilfada sa pozicije predsjedavajućeg Komisije za koncesije Unsko-sanskog kantona.

Broj: 03-02-2190-371/2023  
Bihać, 12.06.2023. godine

PREMIJER KANTONA  
mr.sci. Mustafa Ružnić





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), Vlada Unsko-sanskog kantona na 27. sjednici održanoj dana 12.06.2023. godine, donosi

## ZAKLJUČAK

o utvrđivanju Odluke o imenovanju vršioca dužnosti predsjedavajućeg Komisije za koncesije Unsko-sanskog kantona

### I

Utvrđuje se Prijedlog Odluke o imenovanju vršioca dužnosti predsjedavajućeg Komisije za koncesije Unsko-sanskog kantona, Rifet Emrić do isteka mandata na koji je imenovan u Komisiju za koncesije Unsko-sanskog kantona.

### II

Predlaže se Skupštini Unsko-sanskog kantona da donese Odluku o imenovanju Emrić Rifeta za vršioca dužnosti predsjedavajućeg Komisije za koncesije Unsko-sanskog kantona.

Broj: 03-02-2190-372/2023  
Bihać, 12.06.2023. godine



PREMIER KANTONA  
mr.scđ. Mustafa Ružnić

Na osnovu člana 9. Zakona o koncesijama („Službeni glasnik Unsko-sanskog kantona“, broj: 10/03, 7/09, 19/13 i 9/17), na prijedlog Vlade Unsko-sanskog kantona, Skupština Unsko-sanskog kantona na sjednici održanoj dana \_\_. \_\_. 2023. godine, donosi

**ODLUKU**  
o razrješenju predsjedavajućeg Komisije za koncesije  
Unsko-sanskog kantona

I

Razrješava se Ilfad Medić sa funkcije predsjedavajućeg Komisije za koncesije Unsko-sanskog kantona, prije isteka mandata.

II

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj:  
Bihać,

Predsjedavajući Skupštine  
Unsko-sanskog kantona  
Jasmin Musić

Na osnovu člana 9. Zakona o koncesijama („Službeni glasnik Unsko-sanskog kantona“, broj: 10/03, 7/09, 19/13 i 9/17), na prijedlog Vlade Unsko-sanskog kantona, Skupština Unsko-sanskog kantona na sjednici održanoj dana \_\_. \_\_.2023. godine, donosi

**O D L U K U**  
o imenovanju vršioca dužnosti predsjedavajućeg Komisije za koncesije  
Unsko-sanskog kantona

I

Imenuje se Rifet Emrić za vršioca dužnosti predsjedavajućeg Komisije za koncesije Unsko-sanskog kantona do isteka mandata na koji je imenovan u Komisiju za koncesije Unsko-sanskog kantona.

II

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj:  
Bihać,

Predsjedavajući  
Skupštine Unsko-sanskog kantona  
Jasmin Musić



Na osnovu člana 12. Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ br. 12/03, 34/03 i 65/13) i člana 9. Zakona o koncesijama („Službeni glasnik Unsko-sanskog kantona“ br. 10/03 i 7/09) a u vezi sa članom 95. Poslovnika Skupštine Unsko – sanskog kantona („Službeni glasnik Unsko – sanskog kantona“ broj: 9/17), na prijedlog Vlade Unsko – sanskog kantona, na 44. redovnoj sjednici održanoj dana 23.07.2018.godine, Skupština Unsko – sanskog kantona donijela je sljedeću

**ODLUKU**  
o imenovanju člana  
Komisije za koncesije Unsko-sanskog kantona

**I**

Emrić Rifet, imenuje se za člana Komisije za koncesije Unsko-sanskog kantona.


**II**

Mandat imenovanog člana iz tačke I ove Odluke traje pet godina.

**III**

Ova Odluka stupa na snagu danom donošenja i objaviće se u „Službenom glasniku Unsko – sanskog kantona“.

Broj: 01-02-3-752/18  
23.07.2018.godine  
Bihać





## ZAKON O KONCESIJAMA

### I - OPĆE ODREDBE

#### Član 1.

Ovim zakonom uređuje se: predmet, način i uvjeti pod kojima se domaćim i stranim pravnim licima mogu dodjeljivati koncesije za osiguranje infrastrukture i usluga te eksploatacija prirodnih resursa, finansiranje, projektovanje, izgradnja, obnova održavanje i/ili rukovođenje radom te infrastrukture i za nju vezanih objekata i uređaja u oblastima koje su u isključivoj nadležnosti Unsko-sanskog kantona (u daljem tekstu: Kanton), nadležnost za dodjelu koncesija, osnivanje Komisije za koncesije Kantona, tenderski postupak, sadržaj ugovora o koncesiji, prestanak ugovora o koncesiji, prava i obaveze koncesionara, rješavanje sporova i druga pitanja od značaja za dodjelu koncesija na teritoriju Kantona.

#### Cilj Zakona

#### Član 2.

Cilj ovog zakona je da stvori transparentan, nediskriminatoran jasan pravni okvir za utvrđivanje uvjeta pod kojima se domaćim i stranim pravnim licima mogu dodjeljivati koncesije u Kantonu i stimulisanje ulaganja stranog kapitala u oblastima iz člana 1. ovog zakona.

#### Predmet koncesije

#### Član 3.

Vlada Unsko-sanskog kantona (u daljem tekstu Vlada Kantona) odlučuje o dodjeli koncesija za:

- 1) korištenje vodotoka i drugih voda na području Kantona;
- 2) izgradnja hidroenergetskih objekata do 5 MW;
- 3) izgradnja i korištenje hidroakumulacija na području Kantona;
- 4) istraživanje i/ili korištenje energetskih, metaličnih i drugih mineralnih sirovina uključujući sve vrste soli i solnih voda utvrđenih posebnim zakonom;
- 5) istraživanje i/ili korištenje, sirove nafte i zemnog gasa;
- 6) korištenje građevinskog zemljišta;
- 7) lovstvo i ribolov;
- 8) javni linijski prijevoz lica;
- 9) korištenje ljekovitih, termalnih i mineralnih voda;
- 10) istraživanje i/ili korištenje nemetalnih mineralnih sirovina, uključujući sve sekundarne mineralne sirovine utvrđene posebnim zakonom;
- 11) hidromelioracioni sistemi i sistemi za vađenje materijala iz vodotoka i vodnih površina;
- 12) korištenje poljoprivrednog zemljišta;

13) hoteli i ostali turistički objekti i

14) obavljanje djelatnosti komunalnih i drugih javnih službi.

#### Definicije

#### Član 4.

Pojmovi koji se koriste u ovom zakonu imaju slijedeće značenje:

"Koncesor" su nadležna ministarstva ili organi vlasti Kantona koji dodjeljuju koncesiju.

"Koncesija" pravo obavljanja privrednih djelatnosti korištenjem prirodnih bogastava, dobara u općoj upotrebi i obavljanja djelatnosti od općeg interesa određenih ovim zakonom.

"Koncesionar"-pravno lice osnovano u skladu sa posebnim zakonima Federacije u vlasništvu domaćeg i/ili stranog pravnog lica kome se dodjeljuje koncesija i koje izvršava ugovor o koncesiji u skladu sa ovim zakonom.

#### Nadležnost za dodjelu koncesija

#### Član 5.

Odluku o pristupanju dodjele koncesije za određeno dobro donosi Vlada Kantona na prijedlog resornog ministra.

U slučaju spora o nadležnosti između Federacije i Kantona za dodjelu koncesije, nadležni organi usaglašavaju uvjete i način dodjele koncesije.

### II - INSTITUCIONALNA STRUKTURA

#### Imenovanje članova komisije

#### Član 6.

Ovim zakonom osniva se Komisija za koncesije Unsko-sanskog kantona (u daljem tekstu:Komisija) kao nezavisno regulatorno tijelo, koje svoje nadležnosti obavlja u svojstvu Komisije za koncesije kantona.

U obavljanju funkcija Komisija se zalaže za zadovoljavanje javnih potreba i privredni razvoj putem uključivanja privatnog sektora u finansiranje, projektovanje, izgradnju, obnovu, održavanje i/ili rukovođenje radom infrastrukture i za nju vezanih objekata i uređaja, usluga i eksploataciju prirodnih resursa i objekata koji služe njihovom iskorištavanju vodeći računa o zaštiti privrednih i društvenih interesa, zaštiti okoliša, kao i pravičnom odnosu prema privatnom sektoru.

Sjedište Komisije je u Bihacu.

Komisija može održavati sjednice i van sjedišta.

#### Funkcionalna podjela nadležnosti Komisije

#### Član 7.

Komisija djeluje u svojstvu Komisije za koncesije Kantona kada obavlja funkcije i vrši ovlaštenja u vezi sa dodjelom koncesija koje su u isključivoj nadležnosti Kantona.

**Sastav komisije****Član 8.**

Komisija za koncesije sastoji se od tri člana državljana Bosne i Hercegovine i Federacije, uključujući predsjedavajućeg.

**Imenovanje članova Komisije****Član 9.**

Članove Komisije imenuje Skupština Unsko-sanskog kantona (u daljem tekstu: Skupština Kantona), na prijedlog Vlade Kantona iz reda istaknutih stručnjaka u oblasti prava, ekonomije i inženjerstva.

Imenovanje Komisije u prvom sazivu obavit će se u roku od 90 dana od stupanja na snagu ovog zakona.

Lice koje je pravosnažno osuđeno zbog krivičnog djela protiv imovine, privrede, ustavnog poretka, zloupotrebe službenog položaja ili druge odgovorne dužnosti ne može biti imenovano za člana Komisije.

Član Komisije ne smije imati direktnih ili indirektnih interesa u bilo kojoj aktivnosti koji bi doveli do sukoba ličnih interesa sa njegovim službenim dužnostima.

Član Komisije ne smije biti angažiran na drugom poslu, niti vršiti bilo koju drugu funkciju.

Član Komisije ne smije obavljati političke funkcije u toku trajanja mandata.

**Trajanje mandata****Član 10.**

Članovi Komisije imenuju se na period od pet godina i mogu biti imenovani na još jedan mandatni period.

Ukoliko mjesto člana Komisije ostane upražnjeno prije isteka mandata Skupština Kantona imenuje novog člana.

**Zapošljavanje i naknada zaposlenih****Član 11.**

Komisija ima sekretara Komisije.

Sekretar Komisije i ostali zaposleni koji obavljaju poslove za Komisiju zapošljavaju se na način i pod uvjetima utvrđenim Zakonom o državnoj službi Federacije Bosne i Hercegovine i Pravilnikom o unutrašnjoj organizaciji Komisije

Vlada Kantona utvrđuje visinu plaće i drugih naknada po osnovu zaposlenosti koje pripadaju predsjedavajućem, i ostalim članovima Komisije.

**Nadležnost Komisije****Član 12.**

U isključivoj nadležnosti Komisije je:

- praćenje cjelokupnog rada koncesionara u cilju osiguranja snabdijevanja uslugama potrošača na

adekvatan način, a kojima se pri tome naplaćuje odgovarajući iznos naknade;

- odobravanje rokova i uvjeta standardnog ugovora o pružanju usluga potrošačima;

- razmatranje žalbi potrošača u vezi sa iznosom naknade ili uvjetima za snabdijevanje uslugama od koncesionara i

- odlučivanje o svakom podnesenom zahtjevu ili zahtjevu za revizijom, podnesenom u skladu sa ovim zakonom.

**Ostale dužnosti i funkcije Komisije****Član 13.**

Komisija priprema Dokument o politici dodjele koncesija (u daljem tekstu: Dokument o politici) u kojem se daje opis privrednih sektora i industrijskih oblasti koje se mogu delegirati ili dodijeliti domaćim i stranim pravnim licima. Dokument o politici podnosi se Vladi Kantona, o kojem se Vlada Kantona izjašnjava u roku od 30 dana od dana prijema. Dokument o politici Vlada Kantona dostavlja Skupštini Kantona kao informaciju.

Dokument o politici objavljuje se u "Službenom glasniku Unsko-sanskog kantona".

Komisija prati izvršenje Dokumenta o politici i o tome podnosi godišnji izvještaj Vladi Kantona.

Komisija na vlastitu inicijativu ili na zahtjev bilo kojeg zainteresiranog lica, može formulirati opće principe ili sugerirati provedbu konkretnih propisa koji reguliraju određenu privrednu ili industrijsku oblast.

Komisija obavještava ministra o svakom pitanju koje ministar podnese Komisiji, a na vlastitu inicijativu može obavijestiti ministra o bilo kom pitanju iz svoje nadležnosti.

Ako se zainteresirane strane usaglasile Komisija može vršiti arbitražu u svakom sporu koji nastane između ugovornih strana a može djelovati i kao posrednik, na zahtjev zainteresiranih strana.

Nakon što zainteresirana strana podnese zahtjev, Komisija donosi odluku u cilju zaštite prava zainteresiranih strana.

Ukoliko postoji potreba zaštite javnog interesa, Komisija može zahtijevati od Vlade Kantona da nadoknadi troškove učešća eksperata na javnim raspravama.

Komisija saraduje sa drugim tijelima osnovanim po zakonima Federacije i Kantona.

Koncesionar plaća naknadu za ukupne ili djelimične troškove koji nastanu zbog razmatranja bilo kog pitanja dostavljenog Komisiji ili troškove nastale pri provođenju odluka ili naredbi Komisije u skladu sa Odlukom Vlade Kantona.